

白狼山人詩叙

同書

蕭山真張氏燹書齋

叙曰詩之為道弘矣在心為志發言為詩即物
紆懷感時起興類皆原心術而宣性情者也賡
載啓其音風雅神其響邈哉遐已後世變為聲
律用于制科剪白抽黃爭妍競麗幸而達也則
賦染翰步玉之夸辭不幸而窮也則出歸山食
薺之怨語盖利鈍升落得以入其衷是以心術
性情盡壞日甚上下數千載間惟晉陶淵明冲
澹深粹出於自然唐杜子美渾涵汪茫追蹤騷
雅非後世之所能及也詩豈易言哉白狼山人

少以文學懸著朝時膠庠數竒于遇屢試弗售
竟為督學所獻分教岱麓余得以朝夕相親接
人平坦如光風霽月而其中骯髒孤介不印頰
庸流有三公不易之操每飲至半醺則撰述哦
吟惟意所適似易而難似近而遠似枯澀而豐
腴諷詠未終飄然有塵外風致造就後學以師
道自重見迎送非禮輒艷艷不悅頗有秋江鱸
蓴之思蓋其心術光明性情老達不以利鈍升
落入其衷是以發諸聲詩蕭散夷曠無怨尤切
感之態昔虞奚心弗入爵祿而牛肥伯牙移情

洞之海波故其持妙天下向便山人稍以
名位嬰懷感嗟系念則雖巧言雅調步驟前
程見陷落卑隈弗獲擺脫安能與衆殊趣遺世
天游令人明有餘芬閱無伴意如此我予嘗
許山人詩家法源流出入老杜而其高情逸想
得之陶柴桑者居多豈似純忠酷嗜詩學每見
山人所作恒私錄以藏門人侯廷卿之輩謀錄
諸梓予余一言以弁諸首余于是藝無能為後
叨與實志受山人教益之深詎不容委於是乎
序以寫余景仰之私文不文奚暇計哉

嘉靖丁巳歲秋八月吉國子監助教黃元陽晉齋
題名

白狼山人傳

黃元陽

泰安州學正傅儀傳曰郡博盧蓋齋先生者南
通州人德性明粹涵養冲和有明道氣象閨門
雍肅教子義方男六人俱馴雅孝弟庭闈不嚴
而化處僚友門人情禮無不曲脩下至童僕未
見疾言遽色持身廉介不輕折一刺於有司先
生於脩身齊家蒞官教人蓋兼盡焉且問學淵
深并包羅絡旁魄上下尤遠義皇之旨魯諸生
謂子莊之後言易者莫如先生山東督使者吳

公及兩院咸惜其為盛世遺才兩薦之於朝焉先生暇則吟咏自適其為詩清麗俊逸直追沈宗五季以後弗屑也歲久成帙門人候貴輦潛錄刊之先生不欲謂吾寄興而已奚示人為其推量謙抑類如此先生諱楓字拱宸薑齋其別號云

四明沈明臣郡志文學傳曰盧楓字拱宸少知名多醇行講田生易於海上學士多宗師之稱顯門易必曰盧家屢歛塲屋以貢授師訓值歲

饑有司入計去視州篆州民賴以安堵不以歲病咸謂吏治蒸蒸不但為賢博士已也為博士葺學宮置祭器學政煥然日引諸生談經課藝却貧士贄或損俸給之脩泰山誌成一家言尋遷齊東縣學諭部使者毛公薦之曰文足以扶齊魯之衰才足以任民社之寄疏既上嬰疾以歸歸未數日歿歿之日囊無一錢不能治喪具楓為人孝友事異母兄椿如事父從兄弟貧而無嗣者殮殯其死歲時不廢其祭家故屢空晏

如也、畧不愠見君子謂盧先生安貧樂道乃粹
德之儒云、有子純忠、能詩、有古學、不幸相繼而
死、郡人陳司寇惜之、為作盧生傳

裔孫寶薰沐拜錄

白狼山人漫稿卷上

寓岱稿

蓋齋盧楓著

白龍池即事

翠壁丹巖面面同、青天削出玉芙蓉、雲從絕巘
翔玄鶴、風捲靈湫起白龍、噴石寒泉晴日雨、隔
林山寺午時鍾、絳綵性僻耽形勝、歸去肩輿日

已暮

竹林寺宴集

望中秋色與山高、走馬尋幽未厭勞、吳徑石危
憐僕役、崇巘雨霽瀉波濤、真僧餽茗消詩渴、假

妓彈箏助酒豪怪底招提隔塵世萬竿修竹數
株桃

馬上

馬上頻迎送官閒身未閒縣崖霜葉細疎雨菊
花斑故國聞兵變他鄉值歲艱乾坤雙老眼望
斷白狼山

送王司訓之任新鄭

首蒼盤空道義高關西夫子總人豪百年岱嶽
傳麟旨王治春秋萬里雲霄起鳳毛子進落日江山
愁正切春風桃李望徒勞相逢邂逅俱青眼莫

惜雙魚寄彩毫

月夜山行

秋漢銀蟾湧碧波乘槎無計問孀娥迴風峻嶺
寒威重落葉空山詩思多馬上青氈憐歲月霜
前白鴈阻干戈宦情旅况無聊賴却憶江頭舊
釣蓑

九日

九日明朝是遲前菊未華紫萸懷故國綠酒滯
天涯兒病頻翻藥官閒解煮茶登高知興減破
帽任歌斜

出部

雨餘山色碧於苔
圖書天生四面開
莫道廣文窮徹骨也
輸終日看山迴

王氏別墅

部外堂成映碧巖
高入車馬任盤桓
秋風松菊開三徑
曉日烟霞鎖五壇
望嶽忽生詩句好
教泉竄得齒根寒
我來欲使飛僊聽
携取焦桐竹下彈

登岱

絕頂登臨俯衆山
飄飄兩袖亂雲間
天門路轉星辰近
日觀秋高草木斑
滄海遠看浮地軸
碧霞深拱走人寰
神仙只在桃花峪
咫尺烟蘿未可攀

移菊

幽花移得伴幽棲
却憶山人手種時
繞砌落英和月冷
臨窓瘦影受風欹
清標不獨供詩興
旋掬還堪浸酒卮
自笑天涯雙短鬢
故園何日醉東籬

對菊

秋蟾故傍菊花明
醉繞東籬嗅落英
影弄微風

香共遠詩敲細雨夢俱清青氈老我多鄉思白
髮看君亦賞情安得高如陶靖節南山相對罄
瓶罌

狂夫

吟對寒山曉色蒼不妨撚斷數莖霜身窮却笑
詩還拙心逸應悲世轉忙綠蟻浮春成小醉紅
燼烹雪試竒香佞頭苦被微官縛誰識狂夫老
更狂

韞上鷹

韞上鷹金眸玉爪思蒼冥蒼冥萬里不可到悠
悠白日空含情朝陽臺暮北極誰為解絛奮長
翼

虎在押

虎在野群獸懼虎在押空自噬羈縻束縛世所
憐雄恣逸態在目前誰為出押放中野一聲長
嘯悲青天

出郭看杏花席上示曹父并孫汝光

春風駘蕩杏花天瀟灑携壺水石邊望裏青山
還得句醉來芳草不堪眠詩賢文學聽秋捷老
我風流入暮年此地金樽真可惜斜陽錦席任

雄
自喻甚

留連

和裴文宗遊靈巖

初夏招提境。濃陰滿院深。落花埋古砌。新竹透叢林。地迥無人跡。山空多鳥音。飛仙將鶴去。踪滅杳難尋。

李氏別墅

開圃常臨水。誅茅却近山。捲簾飛鳥入。拄杖野鷗還。市遠琴樽淨。林深歲月閒。從今幽興熟。得暇即追攀。

古木高千尺。河流曲一灣。無人招桂隱。有客叩松關。綠野生晴靄。青山學翠鬟。盡簪形勝地。壺矢散清閒。

盆池白蓮開

曉起蓬頭讀秋水。捲簾忽見荷花開。娟色相連波淨冉冉香。風隔葉來湯餅何。即舜粉署初。山子下瑤臺。遙思太華峯頭月。十起袍前一舉杯。

成廟宴集寄謝蔣三守

琳宮月色霽清霄。多謝高人載酒招。滿引金罍催送曲。細瞻玉兔聽吹簫。依稀桂樹迷山郭。彷彿

佛星糕慶石橋爛醉生涯隨處是陰晴須口任
明朝

偶成

坐愛池荷靜黃連理欲殘山雲晴帶雨槐露晚
生寒醒酒思冰簟題詩遍后攔故園魚鴈杳何
日報平安

芹齋即事

青檀真與老相宜晴旭窓紗曉起遲山好不妨
時載酒官閒應許得題詩一經不廢從頭講五
斗無多對月支笑指菊花新釀孰呼童日進西

三卮

歸東川惠和章疊前韻奉答二首

藤床竹几靜相宜問字無人出每遲魯地門生
還解易吳中社交摠能詩殘書細讀真無隱藻
俸旋消似夫交秋色宦情俱冷淡逢人惟解倒
芳卮

首蒼盤空老更宜團團初日上窓遲籬邊拄杖
時餐菊屋裏看山忽得詩五和歲荒憐宦瘦一
床年久賴垂支玉川千載風流裔燒竹煎茶當
酒卮

送包三守北上

邊塵未淨重騎曹。孝肅家聲兩泚豪。到處霜威
祛宿弊。輸京雲錦見賢勞。山城曉日旌旗動。驛
路秋風鼓角高。定有紆謨裨國計。肯將勲業負
唐陶。

訪高太守隱居

山徑迂回雨乍晴。獨騎羸馬訪先生。入門粗見
書千卷。啜茗時聞鳥數聲。花塢藥欄新別業。草
廩鸞鞍舊專城。知君清白堪遺後。會見諸公
大名。

貧女吟

衡門閉寂寞。自矜有妍姿。日上梧桐井。汲水防
人窺。汲水空自照。自照還自悲。老大不嫁人。妍
姿亦奚為。

贈張生

桂籍流風遠。芹池發跡新。瑤堦秀芝草。玄圃產
麒麟。萬卷芸窗破。孤檠竹几親。蛟龍終變化。東
海碧桃春。

山行

山色青蒼遠近分。山家日日事耕耘。灌園曉望

峯頭雨放犢時眠壠外雲

懷鄉

一經垂老博青檀薄宦東藩已二年歲歎又墜
沽酒費囊空那辨買山錢團臍渴憶江邊蠓縮
項思烹海上鱸盧橘楊梅鮮竹笋嘗新安泮到

口氣
尊前

移菊有感二首

密葉受風敲寒花經雨亂籬落一以荒何以供
瞻玩栽培自陽春經營歲之半風雨困一朝對
之發長嘆呼童理瓦盆移寘堂之畔芬香滿室

中芳姿光以燦相與日徘徊尊酒恣清散嗟哉
飯牛士南山歌石爛安得逢王明極之在霄漢

其二

電雲朝出山寒雨暮成澤涼風自天來吹物何
蕭瑟東籬菊正華遭山風雨厄紅紫半離披黃
白摠狼籍移之置中堂相與娛朝夕秋容頃爾
舒香影落几席我亦泥塗人對之三嘆息

贈邵次父之蓬萊

去年雪裏逢君別今日君來葉落時五嶽名山
遊已半蓬萊仙島又相期烟霞羨爾離群久塵

仍
名
移
不

世慚予識面遲莫訝子長踪跡遠江山好處盡
題詩

秋日偕三寮長并諸生山中對校碑文

山青野曠豁吟眸晴日連鑣作勝遊字校魚魯魚
心獨苦樽携師友樂偏優長空雲滉征鴻遠緹
殿風高碧樹秋遙望岱宗封禪處金函玉簡紫
烟浮

聞南方倭寇之警二首

海上黃塵十丈高東南殺氣入波濤萬家樓閣
半烟燼絕處園林遍野蒿幕府出師無效死

朝廷遣將亦徒勞江淮保障今誰是韓信祠前
憶六韜


千里旌旗映日紅兵戈轉戰海門東醜夷勇略
非無敵諸將軍容本未雄笳鼓江城悲夜月英
蓉水閣委秋風王師又見離青兗何日天山
早掛弓

送喬醫士歸寶應

客鄉邂逅接高賢學出岐黃論入玄扁鵲聲名
淮海外子長踪跡岱山巔論交剩有黃花酒贈
別慚無白雲篇悵望玩珠亭上月幾時同泛釣

歌多悲

正是今



原件短缺

P10

魚船

苦雨嘆二首

岱山之巔雲似墨。須臾大雨迷山麓。去年靈雨
歲云飢。今聽雨聲家家哭。三月亢旱麥未秋。那
堪復潦傷其穀。廣文抱病伏枕卧。中宵聞雨還
起坐。我今雖無民瘼憂。寔慮累歉遭飢餓。青
蠶薄祿多未征。白髮愁顏何由破。舉眼窺曠天欲
明。陰風吹雨仍注傾。昨宵衾濕臥未穩。今夜漏
多頻夢驚。嗟靈全破屋何由乾。安得昌黎作
郡先儒寒。

寫惡堪
悵

雪月爭奇分外明。我来踏雪月中行。山中詩句
知多少。欲待推敲。搃未成。

示兒二首

薄宦三年鬢半霜。殘冬檢點尚空囊。楚天魚雁
干戈後。魯地雲山歲月長。稔喜潛心兒向學。不
妨撥悶酒盈觴。吾家積德餘三世。敢謂將來後
嗣昌。

一官何必問崇輕。且喜諸郎志有成。薄祿也能
供旦夕。青山端足慰平生。夢回海國家千里。臥
聽書聲月五更。曉起茅簷還曝背。卷中深得古

今情。

重過曹允升別墅次段素菴壁間韻

三載尋芳約。今年興轉賒。舊題猶在壁。老眼漸
生花。泉后慚成僻。乾坤醉即家。莫嫌從宦薄。桃李足生涯。

贈李北厓

解組歸來近十年。春風杖屨地行僊。菊松有約
催陶隱。世路無心著祖鞭。教子已成青廟器。怡
情閒檢白雲篇。欲知林壑逍遙處。門外青山山下泉。

賀陳晉齋登薦

八閩文學重莆陽。文學莆陽更擅場。古雅直趨
秦漢上。光芒真射斗牛傍。霜蹄暫蹶憐天馬。金
榜終開到玉堂。此日都臺騰薦剡。早將名姓達
君王。

賀林蘭渠登薦

瓊海才名數十秋。頻年清夢繞瀛洲。網羅盛
代非無設。麟鳳中原竟未收。秬把文章鎔士類。
時憑詩賦動公侯。都臺藻鏡懸秋水。破格騰章
薦馬周。

慰林蘭渠喪弟

六十年餘憶弟心。鷓冠元擬共山林。天邊馬去
憐孤影。海外人來得訃音。芳草池塘春夢斷。連
床風雨暮愁深。青氈不盡墳笮淚。倚杖看雲白
首吟。

獨酌

新生竹笋拂墻高。燕子飛飛壘舊巢。濁酒一杯
閒獨酌。刺藤花下薦櫻桃。

和文宗游靈巖

丹巖翠壁擬崆峒。山下流泉一脉通。氣接蓬萊

雲縹渺。光連岱嶽雨空濛。無邊秀色來天外。似
盡新詩落眼中。聞說飛仙常駐此。遙看笙鶴下
晴空。

從何侍御登岱二首

駟馬登東岱。霜飛木落初。紫岩迎日秀。紅葉入
林疎。縱目觀蓬島。憑高憶帝居。佇看歸鼎軸。玉
燭散堪輿。

羅浮鍾間氣。瓊海產英賢。屹立中臺望。來登岱
嶽巔。丹駒鳴澗道。豸服映山川。藩臬追陪盛。衣
冠擁列僊。

壽王秀峯少府七十

剖竹滇南多惠愛。歸來山下看茅茨。松花歲晚
時常服。鳩杖身輕不用持。又見春風吹綵袖。忽
傳王母降瑤池。古希此日逢初度。鄉里衣冠總
白眉。

雨

屋後山光過雨青。臨晨起坐理黃連。自知身與
紅塵隔。日日焚香對翠屏。

見報

山城擅臥四年禴。近見蘭臺有薦章。自媿迂疎

并老朽。姓名何以達君王。

贈林教授之任處州

文章東魯師模範。教鐸新遷在括蒼。空翠濕衣
梅雨細。旭雲繞戶竹風涼。官逢勝地詩增秀。道
淑諸賢澤更長。祖帳河橋卮酒別。門牆桃李盡
成行。

兗州道中值雨

暑雨朝來急。肩輿憇復行。雲連山勢合。地接水
波平。辛苦過三宿。物忙逼幾程。岱宗瞻已近。蒼
翠報新晴。

題頌惠岩贈鄧翼齋詩後二首

尚書。天上有詩來。壽我山翁酒一杯。金。齒。玉。芝。
常不老。神僊何獨在蓬萊。
泰山山下地行僊。養就丹砂幾幾年。大保尋真
誰說與。新詩寫贈墨華鮮。

過李氏別墅二首

雨後山光繞。韶音觀山馬。上葛衣輕。田中禾黍
高。佝見岩畔花枝遠。近明新水平橋。危度馬垂
楊夾道。曉啼鶯。依稀雲外多喬木。已有衣冠出
樹迎。

三

程